

CONVENIO ENTRE A AXENCIA GALEGA DE INNOVACIÓN E A FUNDACIÓN EMPRESA-UNIVERSIDADE GALEGA (FEUGA) PARA O IMPULSO DA TRANSFERENCIA DE TECNOLOXÍA NO SISTEMA DE I+D+i DE GALICIA.

MEMORIA XUSTIFICATIVA

A directora da Axencia Galega de Innovación da Consellería de Educación, Ciencia, Universidades e Formación Profesional **DECLARA:**

Que a Axencia Galega de Innovación ten previsto formalizar coa Fundación Empresa - Universidade Galega (FEUGA) o instrumento convencional arriba referido por un período de vixencia que abrangue dende a sinatura do convenio ata o 31 de decembro de 2026.

Que o instrumento convencional ten por obxecto sentar as bases de colaboración entre as partes para a realización das accións incluídas nas seguintes actuacións:

1. Monitorización do sistema de transferencia para avaliar o desempeño do Sistema de I+D+i e dispor de información de soporte á toma de decisións sobre a estratexia a seguir e as medidas a adoptar. Inclúense nesta actuación a actualización do panel de indicadores de transferencia.
2. Apoio aos procesos de valorización: programa IGNICIA proba de concepto. Nesta actuación inclúense as seguintes accións:
 - Apoio ao desenvolvemento da quinta convocatoria do Programa IGNICIA Proba de concepto.
 - Apoio na xestión e seguimento do Programa IGNICIA Proba de Concepto.
3. Fortalecemento de estruturas de transferencia. É preciso explorar novas fórmulas organizativas que permitan desenvolver procesos de valorización e comercialización de maneira máis efectiva. Con este obxectivo inclúense as seguintes accións:
 - Estudos de definición de novos modelos de xestión da transferencia.





- Impulso á adopción de novos modelos de organización da función de transferencia.
4. Formación e profesionalización. Nesta actuación inclúense as seguintes accións:
- Formación de profesionais da xestión de transferencia do Sistema Galego de I+D+i.
 - Formación de persoal investigador do Sistema Galego de I+D+i.
5. Promoción. Nesta actuación inclúense a acción de organización e participación en xornadas de difusión sobre transferencia de coñecemento.

Que o instrumento convencional que se pretende asinar fundaméntase no seguinte:

1. FEUGA é unha entidade sen ánimo de lucro e de dereito privado, especializada na transferencia de coñecemento, a innovación e a tecnoloxía desde o Sistema universitario de Galicia (SUG) ao mundo empresarial e á sociedade en xeral.

A súa misión é achegar o talento e o saber científico e técnico xerado polos grupos de investigación universitarios ao mercado, para favorecer o emprendemento, a xeración de emprego, a competitividade do tecido produtivo e o dinamismo do sistema rexional de I+D+i.

O Padroado é o órgano de goberno, representación e administración de FEUGA. Os seus membros fundadores son as tres universidades galegas e as máis prestixiosas institucións públicas e empresas privadas de Galicia.

2. A Lei 5/2013, do 30 de maio, de fomento da investigación e da innovación de Galicia, recolle no seu artigo segundo, entre os seus fins fundamentais, favorecer a internacionalización da investigación científica, do desenvolvemento tecnolóxico e da innovación e apoiar o desenvolvemento en Galicia dunha contorna social e institucional favorable á investigación, tanto básica como aplicada, á innovación e ás empresas innovadoras.



3. Con data 8 de abril de 2022, o Consello da Xunta de Galicia adopta o acordo mediante o cal se aproba a Estratexia de especialización intelixente (RIS3) de Galicia 2021-2027, que define o marco para as políticas de investigación e innovación da Comunidade Autónoma neste período, así como o Plan de investigación e innovación de Galicia 2022-2024, que concreta desde un punto de vista operativo este marco estratéxico.

O obxectivo estratéxico 4 da RIS 3 Galicia 2021 – 2027 aposta por apoiar o desenvolvemento das capacidades das persoas, permitindo aproveitar as oportunidades derivadas do modelo de especialización intelixente e converter a Galicia nunha contorna atractiva para a atracción e retención do talento. O obxectivo estratéxico 5, pola súa banda, busca impulsar a marca GALICIA como activo para a I+D+i e apancar investimento externo, tanto privado como público, así como posicionar a Galicia neste ámbito en Europa e no mundo en xeral.

O presente convenio enmárcase na RIS3 Galicia 2021 – 2027 e alíñase cos obxectivos estratéxicos 4 e 5 que se acaban de referir.

4. FEUGA conta con máis de 40 anos de historia nos que logrou consolidarse como unha organización de referencia no ámbito do talento, a formación, a innovación e o emprendemento, actuando como catalizador para estreitar vínculos e promover a transferencia de coñecemento e a innovación entre as universidades, a industria e a sociedade en xeral.

Así mesmo, FEUGA impulsa a transferencia de novos desenvolvementos tecnolóxicos á industria e da soporte ao ecosistema de emprendemento a través de servizos de diagnóstico de innovación industrial e startups, propiedade intelectual e análise de mercado, vixilancia tecnolóxica e intelixencia competitiva; a busca de oportunidades de financiamento público privado e a organización de eventos enfocados en redes e emprendemento.





5. A Axencia Galega de Innovación considera de interese público o aproveitamento dos coñecementos e a experiencia de FEUGA, de xeito que a unión das sinerxías de ambas as dúas partes permita acadar os obxectivos relativos ao desenvolvemento de programas de formación do persoal investigador, científico e de xestión da innovación e transferencia que prevé o Plan galego de investigación e innovación.
6. O programa Ignicia está orientado ó fomento e mellora da Transferencia de Coñecemento e comezou no ano 2016 coa convocatoria Ignicia Proba de Concepto da Axencia Galega de Innovación, unha iniciativa pioneira en España que promove o desenvolvemento de aplicacións comerciais das investigacións xeradas nos centros de coñecemento galego facilitando a validación da tecnoloxía e a elaboración de plans de negocio que dean lugar á creación de spin- off ou á firma de acordos de licenza. O programa ten promovido xa catro convocatorias nos anos 2016, 2018, 2021 e 2023.
7. O programa completouse en anos posteriores co desenvolvemento e implementación de itinerarios e programas de adestramento e capacitación dos profesionais de xestión de innovación e transferencia de tecnoloxía e de persoas investigadoras innovadoras das institucións do Sistema Galego de Ciencia; a actualización e seguimento dos indicadores de transferencia definidos para o ecosistema galego; a elaboración, difusión e implementación de metodoloxías de apoio á valorización de tecnoloxías; a análise e definición de modelos innovadores de xestión da transferencia para Galicia; así como a mellora continua e posicionamento do programa IGNICIA nos eidos rexional, nacional e internacional.
8. A Axencia Galega de Innovación compensará a FEUGA polos custos xerados con posterioridade á data de sinatura do presente convenio, con cargo á aplicación orzamentaria que se indica a continuación, e segundo as anualidades e importes máximos seguintes:





Aplicación orzamentaria	Código de proxecto	Anualidade	
		2025	2026
07.A2.561A.640.0	2016 00006	499.972,00 €	499.998,00 €
Total		999.970,00 €	

Nos importes indicados, está incluído o IVE aparelado aos custos financiados.

Os custos indicados desagreganse nos importes seguintes:

Tipoloxía actuación	Tipoloxía de gasto/gastos subvencionables	2025	2026
PROGRAMA IGNICIA-TC	Gastos de persoal	21.505,00 €	43.057,00 €
	Subministracións e servizos	122.392,00 €	247.687,00 €
	Outros	42.578,00 €	64.543,00 €
PROGRAMA IGNICIA PdC	Gastos de persoal	33.184,00 €	19.019,00 €
	Subministracións e servizos	256.910,00 €	114.220,00 €
	Outros	23.403,00 €	11.472,00 €
Total		499.972,00 €	499.998,00 €
Total convenio		999.970,00 €	

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de contratos do Sector Público, ou doutro instrumento alleo á natureza estritamente convencional.

Este expediente tramítase como anticipado de gasto, e a súa eficacia queda condicionada á existencia de crédito adecuado e suficiente, de acordo coa Orde da Consellería de Economía e Facenda do 11 de febreiro de 1998 (DOG núm. 34, do 19/02/1998), pola que se regula a tramitación anticipada de expedientes de gasto, modificada polas ordes da mesma consellería do 27 de novembro de 2000 e do 25 de outubro de 2001. En todo caso, a disposición ou compromiso de gastos quedará condicionada á existencia de crédito adecuado e suficiente para financiar as obrigas derivadas deste.



En atención ao exposto e, a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado recorrer á sinatura do instrumento convencional que se pretende, con exclusión doutras figuras.

E para que conste, asínase esta memoria.

Santiago de Compostela, na data da sinatura electrónica

A directora da Axencia Galega de Innovación

Carmen Cotelo Queijo

